

rius signi, & tamen Almuten ostenderet tibi signum ascendentis æstimatae nativitatis, ubi deberes ponere signum præcedens, Et sic in hoc casu, posses errare. Ideo uolo te bene ac diligenter exploratum habere, & tempus nativitatis uerum & signum ascens. Nam si errabis in 4 minutis temporis, errabis quoq; in directionibus significatorum per annum unum integrum.

Tertius ac certior modus idem inueniendi, per accidentia nat.

Ego uero cum non multum tribuam prædictis modis uerificandi genituras (nam eos plus inueni habere erroris quam certitudinis) in hunc modum procedo. Cum mihi relatum fuerit tempus alicuius nativitatis, primum constituo eiusdem temporis figuram coelestem, cum impositione locorum planetarum. Deinde diligenter exploro annos & dies, qui bus tali nato aduersa in corpore suo acciderunt. Quibus cognitis, quaero in Ephemeridibus an aliqua ex fortunis tali die, quo illi accidit corporis aduersitas, feriat gradum Ascendentis talis erectæ figuræ per transitum corporalem eius, uel per radium eius maleficum, uel propè. Quod si haec cōtigerint, dico gradum & minutum talis infortunæ fore ascens uerum nativitatis. Hoc tamen summe notabis, quod Saturnius per transitum corporalem, uel per quadratum, uel oppositum suum, faciet secundum sui naturam melancholicas tam mentis quam corporis passiones, uel etiam infirmitates Saturninas. Si autem Mars transitum fecerit super Ascendens genitæ, facit iracundum animum, dat uulnera, combustiones, aut Martiales infirmitates &c. Ex anima etiam transitum domini Ascendentis, atq; Almuten nativitatis, quando meant per loca infortunarum, uel per eorum radios maleuulos talis genituræ. Sunt tamen accidentia quædam corporis, quæ non per transitus super ascendens, sed per profectiones, uel per directiones significatorum ad promissores contingere possunt. Per ea enim quæ per profectiones annuas fiunt, tali uia soleo procedere. Primū video diligenter an etiam profectio annua Ascendentis genituræ propositæ, anno scilicet accidentis, posset pertingere ad corpus uel radios malignos, alicuius infortunæ. Quod si sic euenerit, numerabo dies intermedios, inter diē nativitatis & diem accidentis. Deinde hos dies intermedios extendo per sex, id est, duco in sex, & fient sextæ dierum. Has sextas dierum diuido demum per 73. (nam 73 sextæ dierum, faciunt unum gradum in annuis profectionibus.) & proueniens, ostendit gradus, & remanentia minuta. Hos gradus & minuta, subtraho à loco promissoris accidentis, & remanebit uerus gradus, & minutum ascendentis genituræ propositæ.

Exemplum meæ genituræ: Ego fui natus Anno 1477 labente die 16 Ianuarij, à meridiie 11 horis, in latudine 50 graduum, iuxta annotationem scripti pīj mei genitoris, ac rationem charissimæ matris, anno autem ætatis meæ 58 completo, die prima Ianuarij, feci casum lœtalem ab alto, cuius casus causa fuit Saturnus retrogradus in Leone in decima domo meæ genituræ. Per hunc casum notabilem (qui ita ex radice processit) uolui examinare gradum Ascendentis nativitatis meæ. Vidi enim quod tali anno fuit profectio annua Ascendentis ad Cancrum, & anteaquam completeretur annus, pertingebat profectio talis ad signum Leonis, in quo fuit Saturnus in radice nativitatis meæ. Numeraui ergo primo dies intermedios à die nativitatis meæ in diem primum Ianuarij, scilicet accidentis, & reperi dies 349 qui per senarium aucti, faciunt 20 94 sextas scilicet dierum. Hos diuisi per 73 sextas, & uenerunt gradus 28. minuta 50. quos subduxī à loco promissoris accidentis genituræ meæ, scilicet à S. 4. gra. 20. min. 32, loci Saturni, & minutis 32, in residuo fuere gradus 21. min. 42 ferè, quisunt gradus ueri ascendentis scilicet Libræ nativitatis meæ;

K iii Pro